

ipse non hunc, sed aliud quoddam hystoricum scriptum penitus apocriphum, cuius auctor ignoratur, proscripsisse ac dampnasse inveniatur, non ut credatur hereticum, sed ne recipiatur certum pro incerto. Ita enim ait ad Paulam¹ et Eustochium: 'Ne forte, si venerit in manus vestras apocriphum illud de transitu sancte Marie semper virginis, dubia pro certis recipiatis — quod multi Latinorum pietatis amore, studio legendi carius amplectuntur — presertim ex his cum nichil aliud experiri possit pro certo, nisi quod hodierna die gloriosa migravit a corpore'². Nos vero in hoc sermone multa invenimus certa certis testibus comprobata, singularem celsitudinem beate Marie multum dicentia, ut patebit in sequentibus. Illo ergo scripto in sua incertitudine³ relicto, ut placet beato Ieronimo, sermonem, quem huic proemio subnectimus, ita ut in antiquissimis et emendatioribus exemplaribus eum invenimus, non est meum dare vobis vel auctorizare, quia modulo nostro contenti nullam nobis potestatem vendicamus aliquid tale donandi vel auctorizandi. Sed tamen, quia certis auctoritatibus idem sermo subnixus est, nos eum quasi divinitus nobis donatum et certis testibus ac magnis patribus auctorizatum recepimus⁴. Immo iam dudum receptum cognoscimus. Vobisque, sorores in Christo dilectissime, concedimus legendum in festo assumptionis beate Marie fulti nimirum certissimis auctoritatibus orthodoxorum patrum, videlicet Dionisii Ariopagite, discipuli beati Pauli⁵, et Iuvenalis Ierosolimitani patriarche⁶ nec non Germani⁷, Constantinopolitani archiepiscopi. Idem quippe Dionisius, ut in ipso sermone apparet, in libro de divinis nominibus⁸ dormitioni sancte Marie theothocos interfuisse testatur se cum sanctis apostolis et Thimotheo suo condiscipulo ac sancto Ierotheo⁹ post apostolos viro excellentissimo. Quorum testimonio non credere absit a nobis et nostris omnibusque fidelibus sancte Marie suffragio indigentibus. Valet quoque ad sermonis huius firmamentum, quod longe post beatum Ieronimum non tam conscriptus quam ex patrum

1) Hs. ursprünglich 'Paulū', von zweiter Hand (?) verbessert 'Paula'.

2) Bei Migne a. a. O. XXX, ep. 9, cap. II. 3) Hs. ursprünglich 'certitudine', übergeschrieben 'i'.

4) Hs. ursprünglich 'recipimus', übergeschrieben 'ce'.

5) Apostelgesch. 17, 34.

6) Erster Patriarch von Jerusalem, gest. 458.

7) Metropolit 715—730.

8) Ueber diese Schrift vgl. Wetzer und Welter, Kirchenlexikon, Freiburg i. B. 1884, III, 1790 ff.

9) Er lebte anscheinend um die Mitte des 4. Jahrh., wo ein Hierotheos Lehrer der Theologie und 'nach dem Zeugnisse des unter dem Namen Dionysius Areopagita bekannten Schriftstellers der Verfasser eines theologischen Lehrbuches' war. Wetzer und Welter a. a. O. V, 2038.